



Universitätsbibliothek Paderborn

Vera Concilii Tridentini Historia

Contra falsam Petri Suavis Polani narrationem

Pallavicino, Sforza

Antverpiae, 1670

Capvt II. Laetitia sensusque Pontificis ad celebratae Sessionis nuntium.
Coetus habitus postridie à Legatis, & proposita à Lotharingo ad Synodum
absoluendam cum Patrum propensione.

urn:nbn:de:hbz:466:1-11718

*Lætitia sensusque Pontificis ad celebratæ Sessionis nuntium. Cætus
habitus postridie à Legatis, & proposita à Lotharingo ad Syn-
odum absoluendam cum Patrum propensione.*

LAturum Sessionis nuntios eâdem nocte ^a miserunt Legati ^{a Litteræ Le-}
Ioannem Baptis tam Victoriū, petente Lotharingo, apud ^{gat. ad Bor-}
quem degebat, qui iam præstò erat vt Romam pergeret, ob ^{rom. 11. No-}
quoddam sibi collatum à Pontifice beneficium. Per dispositos ^{uembri, &}
equos cucurrit Victorius; & cùm peruenisset Viterbiū, cognouit, ^{responsio ad}
^{illas 18. No-}
Pontificem relaxandi animi gratiâ se ad Centumcellas contulisse, ^{uemb. 1563.}
quamquam ea relaxatio dein propè fuit vt ipsi perniciem inferret,
ob palustrem illum aërem, nondum per frigora purgatum. Eò igit-
tur nuntius iter conuertit, & de rebus gestis Pontificem certiorem
fecit, qui incredibili planè gaudio inde affectus est. Reseuierat
priùs ille à Legatis ea ^b quæ cum Lunensi acta fuerant de particu-
la saepius memorata, & valdè ipsi placuerat quòd illa declaratio à
Synodo, non à suo diplomate procederet. Similiter eidem proba-
bantur parata iam Decreta tum de matrimonio clandestino, tum
de morum correctionibus, tametsi illa posteà diebus postremis in
quibusdam fuerint mutata: sed non ita sibi probabatur responsum
ac propositum Legatorum, vbi Patres Hispanienses secessissent, sic-
uti Comes minabatur; cùm sibi videretur Concilium eo casu mi-
nimè deserendum ab ipsis ducibus, sed aliorum contumaciam ac-
cusandam, & in deliberationibus functionibusque audacter pro-
grediendum. Cognito deinde prospéro euentu, significauit, id
per immensam & suam & Aulæ voluptatem accidisse, cunctis De-
cretis plurimum collaudatis, eoqué successu tamquam arrâ pro-
ximi exitus accepto; ad quem exitum stimulauit præcipuos acto-
res suauissimo, eodemque validissimò stimulo, hoc est gratijs actis
per suas peculiares litteras Lunensi, Lotharingo, & Legatis. Ad
Lunensem formâ quâdam magis sobriâ illæ scriptæ sunt ^c, quò vi-
se gratiam estimationemque reliquis non minuerent; cùm hono-^{c 21. No-}
rum pondus ac leuitas, perinde ac mixtorum, solùm comparatè se
habeant. Ad Lotharingum scripsit, professus illi acceptum re-
ferre quidquid boni præteriti confectum fuerat, & in eo spem à se ^{d 20. No-}
poni boni futuri; eumdemque commendauit ob adhibita ab ipso ^{uembri.}
studia Reipublicæ Venetæ, cùm illac iter faceret. Quoniam autem
Pars III.

I iiii

eodem

1563. eodem tempore Lotharingus Pio commendauerat negotia Esten-
fis Cardinalis, affinis sui, cui per eos dies adscribatur, tamquam
auctori, graue facinus, ab eius familiaribus patratum; pollicebatur
Pontifex, causam per omnem reuerentiam & urbanitatem actumiri:
cupere se, ne Aloysius Cardinalis reus compereretur; sed vbi quo-
que aliter appareret, nolle se in eo quidquam agere non communi-
catâ re prius cum Lotharingo, & ita solùm, vt alteri prodesset me-
dicinæ modo, quo sibi in posterum moderaretur.

* Litteræ no-
minatae Bor-
rom. ad Le-
gatos 18.
Nouemb.

Formulas, laudem amoremque abundè spirantes, cum Legatis adhibuit ob tam graues ac tam felices labores; sed simul inflamma-
tis cohortationibus ad magnum opus perficiendum eos stimulauit,
vnde decus ac pretium erant acceptura cuncta quæ ipsi gesserant:

ita tamen, vt Synodus per consuetam rationem ex se argumen-
ta omnia expediret, nec in ipso reponeret, nisi aliquod emendatio-
nis caput, idque eo solùm casu, quo ibi confici non posset.

Sed Legati stimulis non indigebant; nec opportunitatem negle-
xere, quando Hispani Episcopi formâ sincerâ magis quam callidâ
se gerentes aduersus quam dubitatum fuerat, quasi querimonie de
piæteritis adhibenda essent ad promouenda futura, significabant
liberè, non mediocrem à se acceptam satisfactionem ex euulgatis
Decretis, in quibus, ac præsertim in Decreto de primis causarum de-
lationibus, opus fuerat Legatis operâ vt plurimâ vt ipsis gratifica-
rentur, & non modicâ solertiâ, quâ Patres, addicti Aula Romana,
adducerentur ad amouendas tot exceptions, vnde prior forma
adeò Hispanis displicerat. Ex altera parte Cæsarii nihil segnius
sollicitabant. Etenim Cæsar in cunctis Germaniæ negotijs diffi-
cultates offendebat, ob suspiciones quibus Concilium Protestan-
tes obuoluerat; tametsi in hac festinatione ultra Cæsaris voluntate
progressi fuerint, sicut posteâ patebit. Itaque Legati, cùm reliquos omnes propios cernerent, Hispanos verò ipsorum voto non
aduersantes, proximo Sessioni die ad se conuocarunt duos Cardi-
nales, ac viginti quinque Patres ex præcipuis cuiusvis nationis. Illis
proposuerunt postulata Lotharingi pro Gallia, vt Synodus absolu-
ueretur in Sessione, nono Decembris indictâ: id pariter ab Cæsa-
reis Oratoribus peti nomine Cæsaris & Regis Romanorum, qui
arbitrabantur, diuturniorem Concilij continuationem conferre
non posse, quin potius nocere Germaniæ: in eadem vota venire
Pontificem, ne Synodus, ad animarum salutem coacta, magnæ il-
lorum parti per longiorem moram perniciem afferret: idem placere
Veneto Senatui, ac reliquis Italiae Principibus; idem Oratoribus

f Ex litteris
Genii Episco-
pi Icclænensis
ad Manri-
quez 14. No-
vemb. 1563.

g In eadem
Epistola.

h Litteræ
Legat. ad
Borrom. 13.
Nouemb.,
& Iadrensis
15. Nouemb.
& Acta Sal-
manticensis.

Lusitaniæ ac Poloniæ, & cum his connumerari posse etiam Hispanum; qui etsi peculiaria ad id mandata à suo Principe non accepis-
set, ea tamen generatim habebat, vt processu & absolutioni Con-
ciliij opem ferret, & iam ita se gerebat, vt liceret Legatis quieto esse
animo. Et sanè si Rex Hispaniæ Concilio fauerat, illi assistendo
in gratiam Cæsarî patrui sui, & Regis Galliæ vxoris fratri, ratione
habitâ de illorum prouincijs; nunc vbi cognosceret idem Rex, ab
utroque illius finem optari, iure tam optimo dubitari non posse
ne id ipsum comprobaret. Quamobrem à se præsentes Patres ro-
gari, vt consilio simul & operâ rem perficerent.

⁴ Hic denuò Lotharingus monuit, neque Cæsarem neque Re-
gem Catholicum voluisse initio ipsorum causâ Concilio consenti-
re, sed validis cohortationibus, & evidenti Galliæ necessitate com-
motos, quæ versabatur in discrimine secedendi, seque per propriam
nationis Synodum corruipendi, cessisse voluntati Pontificis tam-
quam filios obsequentes. Ægerimè retentos fuisse Clerum & Or-
dines Galliæ, qui Possiacum conuenerant, ne aliter tibi consule-
rent, donec Concilium terminaretur; & longè difficilius opus fu-
turum eos in posterum retinere, vbi Synodus ultrà protraheretur.
Idem fore Synodum præcidi aut suspendi, ac propriam nationis
illius cum eiusdem clade aperiri. Si longius procederet, non mo-
dò spatum temporis porrectum iri hæreticis concionatoribus ad
inferendam populis prauam doctrinam tam altè, vt ad ipsam post-
modum euellendam satis non essent ne ipsa quidem Concilij De-
creta: sed Gallicos Præsules adactum iri ad discessum ante Synodi
finem, partim dispendij grauitate, partim ob alias priuatas publi-
casque necessitates, quod à compluribus peractum videbatur, &
breuî à cunctis peractum iri, si res amplius protraheretur; se verò
ab utraque necessitate ad profecitionem compelli: quamquam vbi
Synodus die præstituto esset absoluenda, effecturum se, vt quæcum-
que alia ratio cederet per eos paucos dies voto suo secum deferendi
solatium illud, eaque salutaria medicamenta. Comperio, tam
efficaci specie fuisse propositam à Lotharingoⁱ Galliæ necessitatem,
vt lacrymas excuerit; unde commune votum fuit, vt ad conclusio-
nen procederetur. Solùm Episcopi Leridensis & Legionensis pe-
tierunt, vt anteà Philippus Rex assentiretur; sed Granatensis hanc
conditionem omisit. Quare Suavis duplìcem in errorem impingit,
priùs, dum tribuit Granateni, illum per suam sententiam se Ora-
tori Hispano remisisse; deinde affirmans, reliquos omnes præter
Granatensem consensisse.

Iiiii 2

Ad

ⁱ Acta Sal-
manticensis.

1563. Ad agendum de modo ventum est; & inter eos conuenit, oportere operam nauari ad stabiendas reliquas disciplinæ leges, & in ijs quæ spectabant ad Principes, suauiter procedendum, quandoquidem illorum brachio statim futurum opus erat, quo insculperentur in opere ea quæ à Synodi stylo in scripto fuerant designata. Quamobrem summoperè placuit exemplum Decreti, missum à Pontifice, in quo renouabantur super his iussa Conciliorum Canonumque antiquorum, & adhibebantur paternæ admonitiones odiosorum anathematum loco.

De dogmatibus nondum ibi definitis, spectantibus ad Purgatorium, ad Indulgentias, ad inuocationem Sanctorum, & ad Imagines, perpensum est, multa reperiri in anteactis Conciliis; aliquid tamen de his dicendum esse, quasi ad prauas consuetudines correndas. Præsertim verò de Imaginibus protulit Lotharingus Sorbonæ Decretum, quod ab illis Patribus magnopè probatum est. Postridie habitu conuentus, Legati * vnà cum Lotharingo statuerunt de iam ostensis dogmatibus tantummodò agendum esse, ac de ipsis per formam quam diximus. Quare accitis ad se nonnullis Patribus susceptum consilium aperuerunt, & quinque pro qualibet argumento selectis Præfulibus commiserunt ut ipsi vnà cum quinque Theologis paucos intra dies Decreta formarent. Etiam Legati de Synodo tamquam de absoluta scribebant; Lunensis enim indicabat, se moram haud inieeturum. Verùm distantia nauigia à littore, etiam si modica demonstretur Geometræ decempedā, interdum maxima deprehenditur nautarum mensionibus.

C A P V T . III.

Cœtus de disciplina & dogmatibus: obiecti à Lunensi obices ne Synodus absoluueretur.

* Acta Paleotti, & Ar-
cis Aliz, &
litteræ Ia-
drensis 15.
Nouembris.

Hoc apparatu inchoati sunt ^a die decimoquinto Nouembris cœtus generales de quatuordecim articulis disciplinæ reparañdæ, qui supererant. Et quemadmodum ea quæ necessaria sunt, ob naturæ prouidentiam in rebus omnibus pauca sunt, & festinandi voluntas docet ea distingui à superuacaneis; ea breuitas, prius insucta, fuit adhibita, vt die decimo octauo suam quisque sententiam protulerit. Legatus paucis exposuit studia incassum impensa ad pertrahendos ad Concilium hæreticos, præstantissimos fructus ab eo productos declaratione dogmatum, & resti-